



Газет 2001-йисан
ноябрдилай акъатзава

РД-дин Докъузпара райондин общественно-политический газет.
Общественно-политическая газета Докузпаринского района РД.

Эренлардин сес

№52 (981) 23-декабрь, арбе, 2020-йис. Газетдин са экз. кымет киоскрай - 13 манат

COVID-19

Оперштабдин заседание хъана



14-декабрдиз Докъузпара райондин администрацияда вахтуналди муниципалитетдин Къилин везифаяр тамамарзавай Мегъамед Шамилован регъбервилик кваз коронавирусный инфекция чуклуруниз рехъ тагунин мураддалди оперативный штабдин заседание кыле фена.

Заседанидин кваллахда Ахцегъ района кардик квай Роспотребнадзордин Управленидин территориальный отделдин руководитель Арсен Касимова, Докъузпара райондин прокурордин везифаяр вахтуналди кылиз акъудзавай Равиль Межидова, райадминистрациядин къилин заместителри, Россиядин ФСБ-дин сергъятрин къуллугъдин

векилди, Россиядин МВД-дин МО "Ахтынскийдин" къуллугъчиди ва хуърерин килери иштиракна.

Райадминистрациядин Къилин заместитель Сурея Вердихановнади района авай санитарно-эпидемиологиядин гъаларикай ва цийи коронавирусный инфекциядин таъсир чуклун тавунин мураддалди района кыле тухузвай алава серенжемерикай суъгъбетна.

Кылиди къачуртла, ада къейдна: инсанри текдаказ амукунал амалзавач, общественный чкайра маскаяр алулзавач. И рекъе гуъзчивал тухуналди контроль мягкемарна кланда, гъавурдик кутунин кваллахни тухун чарасуз я, - лагъана ада.

ЦРБ-дин къилин врвч Шагълар Бухсаева ерилу медицинадин куъмек агакъярунин рекъяй къабулзавай серенжемерикай суъгъбетна. Пневмониядик ва корона-вирусный инфекциядик начагъбурчи района авайдакай лагъана. Са кас центральный больницада сагъарзава, больницадилай къеце райондин 46 агъалидик пневмония уъзур квайди тестикъ хъанва, идалай гъейри, 5 кас врачрин гуъзчивилик ква.

Агалнавай сергъятрин серенжемар къабулунин ва къилин гражданрин истемишунар кылиз акъудунин месэладай Арсен Касимов рахана. Вичин суъгъбетда ада пландалди къабулнавай мярекатар тухудайла, коронавирусный инфекциядин таъсир чуклун тавуниз ва адан вилик пад къуниз эвер гунин рекъяй къабулнавай алава серенжемерикай къейдна. ИкI, республикадин сергъятра тарихдиз хъфизвай йисан 2-декабрдилай, Оперштабди къабулнавай икъярдихъ галаз рейсад яз, гъаф инсанар саналди кIватIлал жезвай чкайра: месела, мискIнра, медениятдин ва банкетрин залра, тазиятдин чкайра хъун къадагъаламишзава. Цийи йисан корпоративдин мярекатар тухун пландикай хкудзава. Роспотребнадзордин отделдин



руководителди му-ниципалитетдин Къилин врачдиз квалеле сагъарзавай инсанар пулсуз дарманрин препаратралди таъминарун везифа тирдакай лагъана, ам тагъкимарна.

Россиядин МВД-дин "Ахтынский" МО-дин векилди хабар гайивал, карантиндин вахтунда къайда-къанундин истемишунар кылииз акъудзавайбуру 1078 материал суддиз рекъе туна, 708 делодай жермеяр авунин къарарар къабулна.

Гъикл лагъайтла, полициядин отделди коронавирус-дин аксина пуд терефда кваллахзава: профилактикадин рекъай къабулзавай серенжемар гъикл кылииз акъудзаватла, гуъзчилик кутазва; сергъатар агалнавай серенжемрал амал тийизвайбур тайинарзава ва вири граждандиз коронавирусдин инфекция чуклур тавуниз эвер гузва.

Гъа икл, Роспотребнадзордин истемишунар вирида кваз къун

важиблу я. Муниципалитетдин Къилин везифаяр вахтуналди тамамарзавай Мегъамед Шаamilова райондин агъалийривай авай гъаки-къатдиз фикир гана, алава яз къабулнавай агал хъанвай серенжемрин истемишунар дикъетлу яз фикирда къуна, абур кылииз акъудун тлаабна.

Шагъбала ШАГЪБАЛАЕВ

АНТИТЕРРОР

Терроризмдин аксина комиссиядин заседание

21-декабрдиз Докъузпара райондин администрациядин заседанийрин залда муниципалитетдин Къилин везифаяр вахтуналди тамамарзавай Мегъамед Шаamilован регъбервилик квай "Докъузпара район" МР-дин АТК-дин нубатдин заседание хъана.

Заседанидин карда райондин прокуратурадин, цаяр къунай акси къуллугъдин, сергъатар хуъзвайбурун къуллугъдин векилри, муниципалитетдин Къилин заместителри, АТК-дин вири членри, идарайрин ва тешкилатрин руководителри иштиракна.

Заседание ачухуникди, М. Шаamilова мярекатдин иштиракцияр йикъан повесткадихъ галаз танишарна, ахпа гаф "Мискискар" хуър-уън кыл Рузмедин Къанбероваз гана. Ада Мискискарин хуър-уън сергъатра терроризмдин идеологиядин аксина тухванвай кваллахдин месэладай суъгъбетна. Адан гафаралди, гъахъ-гъисабдин вахтунда экстремиствилин ва террориствилин тахсиркарвилерай винел акъудай материалар авач. Муниципальный программада къалурнавай месэлайрай культурадин квалеле, хуър-уън мектебда, мисклинда, инсанар гъаф кватлал жезвай чкайра тербиядин месэлайрай, диндин месэлайрай жегъилрихъ галаз гуър-уънмишвилер киле тухузва, суъгъбетар тешкилзава.

Къенепатан органрин къуллугъдин работникрини и рекъай уяхвал квадарзава. Россиядин МВД-дин "Ахтынский" МО-дин



векилди Цийи йисан мярекатар тухудайла инсанрин хатасузвал хуън рекъай къабулнавай серенжемрикай суъгъбетна. Коронавирусный инфекция чуклурунин къурху хуън килигна Дагъустан Республикадин Кыл Сергей Меликова Цийи йисан шадвилин мярекатар, гъаф инсанрин иштиракчивал авай Цийи йисан корпоративар чи регионда тухун къадагъаламишнава.

Закондин истемишунар тамавилелди кылииз акъудзавай, къайдаяр хуъзвай къуллугъдин векилди "Ахтынский" ОМВД-дин отделди киле тухудай серенжемрин комплексдикай хабар гана.

Докъузпарадин муниципалитетда "2021-йисуз АТК-ди киле тухудай пландин кваллахдихъ" галаз хатасузвиляй райондин Къилин заместитель Къазихан Мегъединова заседанидин иштиракцияр танишарна. Адан гафаралди, тарихдиз

хъфизвай 2020-йисуз АТК-дин вад заседание тухвана, террордикай ва цаяр къуникай хуъдай 20 месэладиз килигна.

Къ. Мегъединова къейдна, пландик квай ахтармишунар киле тухудайла, кылдин объектар цаяр къуникай хуъдайла, террориствилин аксина хатасузвилин уълчмейрай фикирда къурла, 40 къайдаяр члурнавай дуъшуырлал расалмиш хъана.

Заседанидин нетижаар жемдиз гъуналди, муниципалитетдин АТК-дин председатель, райондин Къилин везифаяр вахтуналди тамамарзавай Мегъамед Шаamilова АТК-дин заседанидин вири иштиракчийриз сагърай лагъана.

ЧИ МУХБИР

Туризм вилик тухунин рекьяй авай месэлаяр гьялна



И йикъарин гунзарда вахтуналди Докъузпара райондин Кылин везифаяр тамамарзавай Мегъамед Шамилован теклифдалди райадминистрациядин Кылин заместитель Сурея Исмаилова Къурушдал фенвай.

Твар къунвай хуьруьн Кыл Тагъи Башировахъ галаз гуьруьшмиш хъайила, хуьруьн вилик

акъвазнавай туриствилин инфраструктурадиз, ам вилик тухуниз талукъ месэлайрай суьгъбет кыле фена. Хуьруьн кыли кьейдна, алай йис гьикъван муракабди яз хъанатлани, Къурушдал агъурдалай кылихъ туристар атана. И рекъем йисалайсуз хкажни жезва. Гъавилай, сифте нубатда, рекъер къайдадик кутун важиблу шартI яз алуькзава. Иллаки

Усугъчай - Къуруш хуьрерин ара. Сурея Исмаиловади кьейдна хъи, гъакъикъатданни хуьруьн яшайишдиз талукъ месэлаяр мадни ава: месела, инсанар хъвадай целди таъминарун, алакъадалди мягкемарун, хуьр газификацидик кутун, цийи СОШ-дин дарамат эцигун ва масабур. Цийи проектдик мугъманар къабулдай квалер эцигун, килигдай майданар кардик кутун, балклараллаз чамарардай маршруттар, велосипедрин уьлчуьяр тукълуьрун ква.

Райондин Кылин заместитель Къурушрин юкъван школадизни фена, аялар чими тлуьнралди таъминарзавай гьалар ахтармишна, ДАССР-дин 100 йисан юбилейдин кьаршида акъазвай гъазурвилер чирна. Нажмудин Самурский хътин баркаллу хва акъатай и хуьре ДАССР-дин 100 йисан юбилей шад гьalara кыле тухун тлебии ва къанажагълу кар жедай, - риклеп хкана С. Исмаиловади.

ЧИ МУХБИР

Детдомрин аялриз савкъатар гъазурнава

Дегъ девирра Цийи йис кьаршиламишдайла, Кавказда гьар са халкъдихъ вичин адетар авай. Гъа жергедай яз - къурушвийрихъни. Къурушрин хуьр, чаз малум тирвал, гуьлуьн дережадила 2560 метрдин вине ава. Ам Дагъустандин виридалайни къакъан куклушрин Базар-Дуьзудин (4466 м.), Шалбуздагъдин (4142 м.), Рагъдандин (4020 м.), Яру дагъдин (4016 м.) ценерив экля хъанва. Куьгъне хуьруьн майдандила и тварар къунвай куклушриз ачухдиз килигдай мумкинвал ава.

Цийи йис кьаршиламишунихъ галаз сад яз, къурушвийрихъ куьгъне йисни рекъе хутадай адет авай. Цийи йисан адетда кьейдзавай, хуьруьн вири дишеглияр садан квалер кватI жедай, абуру вири хуьр пагалди ширинлухар гъазурдай, ахпа куьчедиз экъечIна, пайдай. Куьзуь къарийри Цийи йисан савкъат яз сун гуьлуьтар, бегълеяр, алуькдай парталар храдай ва абур аялрин



квалериз рекъе твадай, Дагъустандин вири реабилитациядин центрайриз. Алуькзавай 2021-йисуз и жуьредин савкъатар Дербент шегъердин аялрин квалерикай садаг агакьардайвал я. Къурушрин хуьруьн аялри детдомрин аялриз тебрикдин чарар

ракъурда, абуруз чпин хуьруьн яшайишдикай суьгъбетда, виридаз Цийи йисан агалкъунар хъун алхишда.

ЧИ МУХБИР

ДАССР-дин 100 йисан юбилейдиз талукъарнавай мярекат

Ийикъара Усугъчайдин СОШ-да ДАССР тешкилайдалай инихъ алатзавай 100 йисан юбилейдиз талукъарнавай мярекат кыле фена.

Адан карда Докъузпара райондин дишегълийрин Союздин председатель, райондин Кылин заместитель Суьрей Исмаиловади, образованидин управленидин кылин пешекар Ремихан Саруханова ва Усугъчайдин СОШ-дин директор Тажидин Аразова ишти-ракна.

Мярекатдин макъсад, аялар хайи ватандихъ, адан агалкъунрин тарихдихъ галаз ватанпересвилдин руьгъдаллаз танишарун ва ам кланарун тир.

ДАССР тешкилунин юбилейдин йикъаз талукъ яз, Усугъчайдин СОШ-да ктабрин выставка, чи (Эвел алаатай нумрайра)



дередин шикилар алай плакатар, цлан газетар эцигна туькьурнавай.

Кыле фейи мярекатдал винидихъ тIвар къунвай школадин аялри хайи ватандикай гыкаяяр, шиирар

кIелна, манияр лагъана.

Мярекат итижлу яз ва шад гьалара аваз кыле фена.

ЧИ МУХБИР

А. ФИРДОУСИ

Рустам ва Зугъраб

(Давам хъун)

Вири крар кыле фида Аллагъди
Кхъенвайвал, чи уьмуьрдин панагъди.

Адан гужлу сирерай кыл акъатдач,
Чун къисметдин луварикай хкатдач.

Хабар къуна Зугъраба мад: "Вуж я ам?
Янавайди алачух а, яз тIарам? -

Адан вилик квай атлуйрик къал ква,
Туьнт везинрин сес акъазва лал цава.

Жанавурдин суьрет ала пайдахдал,
Юазва ам гарал алаз са къатда.

Тахтунани ацукънава са векил
Такабурлу, вине къуна вичин кыл.

Ам вуж я, лагъ, а къадарда машгъурди? -
Икрамзава адаз гъар са акурда".

Жаваб гана Гъажира: "Ам Гударзан
Хва, Гив язва игитвилехъ тамарзлу.

Адахъ гужлу къуват ава уьлкведин,
Кар алакьдай сердер я ам дяведин.

Шагъдин - багъри, езне я ам Рустаман.

Чи Иранда тахъай хътин кас я ам".

Хабар къуна Зугъраба: "А лаз элкъвей
Алачух, лагъ, нинди я заз тагъ куькIвей? -

Килиг, дагъдин ценерив гвайди Шаркъ патан,
Адан вилик акъвазнава пагъливан.

А къучагъдин патав гвай тахт къезил тир,
КIарабрикай раснавайди я филдин.

Алачухдин къулухъ гала къушунар,
Ква абурук, булутрик хъиз, юзунар.

Акунач заз, дугъун, икъван чIавалди:
Ам вуж кас я яшайиш акI къулайди?"

Жаваб гана Гъажира: "Ам Фарибурз
Я шагъдин хва, чи къушундин хци мурз"

Зугъраба икI лагъана: "Таж кылелай
Кутугнава адаз, гаф - гуьзел я!

Вични мягъкем язва буйдиз - бухадиз,
Ярашугъ тир хва авазва пачагъдихъ.

Гида, лагъ, заз вуж ава а хъипи тир
Алачухда, вич са къадар гъаркъуь тир? -



Адан кьилел вили, яру пайдахри
Лепе гузва, жакъракъ ийиз даяхри.

Са пайдахдин ипекдал варз куьквенва,
Ам гьетерин арадава элкьвена

Юкьвал ала ам цаварин лап тагъдин,
Малум туш заз, лагъ, на т1вар а кьучагъдин ?

Гьажира мад жаваб гана: "Т1вар адан
Гударз язва, машгурди я кар адан.

Ам сердер я, тухумдикай я Гиван.
Хас я адаз мягкемвални йигинвал".

Алахъна Зугъраб бубадин лишанар
Жагъур ийиз, амма зат1ни жагъанач.

Адакай гьахъ чуьнуьхнавай Гьажира...
Чун, инсанар я кьисметдин есирар:

Кхьенвай кар кьилел кьведа Худаци,
Сирлувилин кьадар авач дуьньядин.

Ада, якъин, чи мурадар телефда,
Вахтни ажал алазва са терефдал.

Гьажиравай Зугъраба мад шаклу тир
Хабар кьуна кьучагъдикай гужлу тир -

Вичин рикле авайдакай гьамиша,
Къалурна мад ам алазвай уьруьшар.

Гьажира ик1 лагъана: "За са зат1ни
Чуьнуьхзавач вакай - гьахъ я такъат зи.

Ам векил я ракъурнавай Чиндай чаз,
Амма адан т1вар вуьж ят1а чидач заз".

"Вуна, якъин, гузвач заз дуьз жавабар, -
Наразивал къалурна мад Зугъраба, -

Куь кьушунрихъ гала вири сердерар,
Бес, гьинава, Рустам - ч1ехи регъбер а?

Жедай кар туш акъвазун ам гуьгъуьна,
Куь Ирандин къалхан я ам вирина.

Гьажира мад жаваб гана нагъакъан:
"Белки, ана ава жеди Тахамтан?! -

Я тушт1а, ам ама хайи дагълара,
Кеф хкудиз гагфарикай багълара".

Зугъраба гаф лагъана: "Вун ягълмиш
Я, гьелбетда, Рустам ахътин кас туш гьич.

Фикир ая жува: вири - дяведа,
Амма Рустам кефина и береда? -

Ваъ! - жедай туш, зун а кардин ч1алахъ туш,
Гзаф рахаз вахъ галаз зун ахмакъ туш.

Исятда заз вуна Рустам къалурна,
Къалурда ам, вуна ви т1вар машгурда,

Гьамиша чун акъвазда ви кьуллугъда,
Ви вилик за хазинаяр ачухда.

Амма, чир хьухъ, чуьнуьхайт1а сир рикле,
На алдатмиш авурт1а зун са зерре,

Вахъ галаз зи рахун жеда куьруьди,
Хкягъа рехъ жуван риклиз клани тир.

Са шагъдиз сир ачухдайла арифди -
Дуьзвиликай гаф лагъана тарифдин:

"Талгъанавай гьакъикъат я багъа къаш,
Мичливиле ц1раз жеда ам яваш.

Акъатайла ахпа яргъал есирдай
Адан гуьзел къашари экв куькьурда".

Гьажира мад жаваб гана Зугърабаз:
"А Рустамахъ галаз кьведай - барабар

Пагъливан гьич авайди туш дуьньяда -
Чилел - аслан, лекъ язва ам гьавада.

Акурт1а, вун мягътел жеда адан буй,
Адан гужлу кьуьнер, адан гардан, суй.

Ам акурла девни ифрит катзава,
Ада дагълар тунпуздалди падзава

Кьилди ада кьушунрик кич1 кутазва,
Цайлапанар адан гьиле авазва.

Вичихъ галаз экъеч1дайди майдандиз
Пуьрчуькъзава Тахамтана, са ц1ам хьиз,

Адан шивдин к1вачерикай хкатай
Руквадикай булут жезва гьавада.

Рустамахъ гуж авазва виш кьучагъдин,
Беден адан зурба куклуш я дагъдин.

Вичин руьгъдик ажугъ квайла женгина
Ада аслан, фил твазва са ц1иргъина.

Дагъ акъваздач адан хура. Я кьумлух -
Адан к1вачик ярхар хьанвай табий лул.

Румдилай дуьз Чиндин гьуьлел кьведалди
Ахътин машгур игит авач кьедалди.

Жегъил шагъ, за ваз авайвал лугъузва,
На Рустамахъ галаз буш женг тухузва!



Герек авач, файдасуз я дяве ви,
Эхир кылий гьатда кьушун клева ви.

Сад амай кьван пагьливанар Турандин
Пуч ийида а Забулдин асланди".

Зугьрабани адаз даим руьгь хилас
Жаваб гана: "Гьайиф, вун я зайиф кас! -

Гударза вун бахтсуз юкьуз аладна,
Гьахьнай адан ракъулзава кьамат, на.

Де, лагь, на ваз кьегьалар мус акуна?
Нивай ва мус на тежриба кьачуна?

Рустамакай рахазва вун датлана,
Гуя Аллагь, вич чилерал атанва.

Зун адал гьалт авур члавуз дяведа -
Чил кьарсада чи ягьунрин береда.

Илич жада гьуьл чилин генг майданрал,
Акьвазда чи балкьанар тик дабанрал.

Рагь эвезда кьалханри ва турари,
Нур чикирда са целхемрин тварари.

Ваз, лагьайтла, гьуьдун лепе юзайла
Кичле жезва, я туш - цавар рахайла..."

Рустама икь далу адахь элкьуьрна,
Чин атлугьна, вичиз хас тир фикирна.

Гьажир яргьал хиялди мад тухвана,
Ада вичи-виликди икь лагьана:

"Нагагь вири лагьайтла за якьиндиз,
Кьалурайтла Рустам адаз секиндиз.

Зугьраба фад кьушун кьвачин ийида,
Ада кьати лепеяр чал вегида,

Гьалда вичин балкьан ада зирингдиз,
Клевирда чи рагь булутрик кьалин тир.

Кичле я заз беден гужлу кьучагьди

Телеф ийиз Рустам - чилин даях чи.

Ахпа адан хура, лагь, вуж акьвазда?
Аватла, са Рустам анжах авазва.

Икь лагьана са камаллу арифди:
"Ваз яшамиз жедалди, дуст, зайифдиз,

Машгьурдаказ кьейитла, гьам хьсан я".
И гафарин мана заз лап масан я.

Кьуй кьирай зун ада вичин гьилелди -
Зи ажалди хуьда Рустам чилел и.

Зун вуж я? Зун - хва я машгьур Гударзан,
За хуьда чи пагьливанрин сих хизан.

Кьуй Багьраман, Гиван кьуват гужлу хьуй,
Шедушан кьин, Ругьаман гьед нурлу хьуй!

Кьуй зун кьирай, зи паталай шумуда
Душмандилай ахпа кьисас вахчуда.

Де лагь, хаин уьмуьрдикай вучда за?!.
Чан Ирандин бахт паталди пучда за".

Эхир ада Зугьрабаз икь лагьана:
"Буна завай хабар кьазва датлана

Рустамакай. Вучиз ваз ам даклан я?
Зи кьил вай гьич акьатзавач саклани.

Гьар легьезда тикрар ийиз - са твар кьаз,
Гьикьван гуда вуна, лагь, икь кьургьар заз? -

Клан ятла ваз нагагь зи кьил галудиз -
Ма, галуда! - Квез я багьна акьудун.

Анжах са гаф рикел хуьх за лугьузвай:
"Файдасуз я дяве вуна тухузвай.

Эгер Рустам аватла, а терефда,
Ада вичин гьилелди вун телефда!"

Таржума авурди - Ш. ШАГЬБАЛАЕВ

(Кьатлама)

Правила пожарной безопасности при проведении Новогодних праздников

Новогодние праздники - это пора массовых утренников, вечеров отдыха. И только строгое соблюдение требований правил пожарной безопасности при организации и проведении праздничных мероприятий поможет избежать травм, увечий, а также встретить Новый год безопасно.

Ответственными за обеспечение пожарной безопасности при проведении культурно-массовых мероприятий (вечеров, спектаклей,

новогодних елок и т.п.) являются руководители учреждений.

Перед началом новогодних мероприятий руководитель учреждения должен тщательно проверить все помещения, эвакуационные пути и выходы на соответствие их требованиям пожарной безопасности, а также убедиться в наличии и исправном состоянии средств пожаротушения, связи и пожарной автоматики. Все выявленные и недостатки должны быть устранены до

начала культурно-массового мероприятия.

На время проведения новогодних мероприятий должно быть обеспечено дежурств из числа работников учреждения.

Во время проведения культурно-массового мероприятия с детьми должны неотлучно находиться дежурный преподаватель, классные руководители или воспитатели. Эти лица должны быть проинструктированы



о мерах пожарной безопасности и порядке эвакуации детей в случае возникновения пожара и обязаны обеспечить строгое соблюдение требований пожарной безопасности при проведении культурно-массового мероприятия.

Этажи и помещения, где проводятся новогодние мероприятия, должны иметь не менее двух рассредоточенных эвакуационных выходов. Допускается использовать только помещения, расположенные не выше 2-го этажа в зданиях с горючими перекрытиями

При проведении новогоднего праздника елка должна устанавливаться на устойчивом основании (подставка) с таким четом, чтобы не затруднялся выход из поместел и я. Ветки елки должны находиться на расстоянии не менее одного метра от стен и потолков. Оформление иллюминации елки должно производиться только опытными электриком. Иллюминация елки должна быть смонтирована прочно, надежно и с соблюдением требований Правил устройства электроустановок. Лампочки в гирляндах должны быть мощностью не более 25 Вт. При этом электропровода, питающие лампочки елочного освещения, должны быть гибкими, с медными жилами. Электро-

провода должны иметь исправную изоляцию и подключаться к электросети при помощи штепсельных соединений. При неисправности елочного освещения (сильное нагревание проводов, мигание лампочек, искрение и т.п.) иллюминация должна быть немедленно отключена и не включаться до выяснения неисправностей и их устранения. Участие в празднике елки детей и взрослых, одетых в костюмы из ваты, бумаги, марли и подобных им легковоспламеняющихся материалов, не пропитанных огнезащитным составом, запрещается.

Основные меры безопасности при обращении с пиротехникой

При выборе пиротехнических изделий необходимо знать, что использование самодельных пиротехнических изделий запрещено. Более того, приобретая пиротехнические изделия, необходимо проверить наличие сертификата соответствия, наличие инструкции на русском языке, срок годности. Также нужно иметь в виду, что нельзя использовать изделия, имеющие дефекты или повреждения корпуса и фитиля.

Перед использованием пиротехнических изделий необходимо:

Выбрать место для фейерверка. Желательно для этих целей использовать большую открытую площадку (двор, сквер или поляна) свободная от деревьев и построек. В радиусе 100 метров не должно быть пожароопасных объектов, стоянок автомашин, деревянных сараев или гаражей, а также сгораемых материалов, которые могут загореться от случайно попавших искр. При сильном ветре размер опасной зоны по ветру следует увеличить в 3-4 раза. Зрителей необходимо разместить на расстоянии 35- 50 метров от пусковой площадки. Использование ракет, бабочек рядом с жилыми домами и другими постройками категорически запрещается, т.к. они могут попасть в окно или форточку, залететь на балкон, чердак или на крышу и стать причиной пожара.

Номера телефонов вызова пожарной охраны в Магарамкентском районе: 112, 010, 55-15-24.

З.Б. ВЕЛИМУРАДОВ,
начальник ОНД и ПР №12

ИСЛАМДИН УМУЪРДАЙ

Къунагъламишнавай йифен мугъман

Са инсан Пайгъамбардин, салам ва хийир-дуъа хъурай адаз Аллагъдин патай, патав атана ва вичиз гишин я лагъана, шикаят авуна. Амма Пайгъамбардивай, салам ва хийир-дуъа хъурай адаз Аллагъдин патай, адаз гудай са шейни жагъанач. Ада асгъабривай са йифиз мугъман нивай къабулиз жедатла хабар къурла, ансаррикай сада лагъана:

- За къабулда, я Аллагъдин Расул, салам ва хийир-дуъа хъурай адаз Аллагъдин патай!

Ада мугъман вичин къвализ хкана ва папаз лагъана:

- Им Пайгъамбардин, салам ва хийир-дуъа хъурай адаз Аллагъдин патай, мугъман я. Гъавилай, са шейни гъайиф татана, чна ам хъсан къаршиламишна къанда.

Папа адаз жаваб гана:

- Къин хъуй Аллагъдай! Къвале анжах аялар патал гъазурнавай са

тѳимил тѳуьнилай гъейри, гъич са шейни авач.

А чѳавуз итимди лагъана:

- Аялар фу тагана ксур, зун мугъмандихъ галаз суфрадихъ ацукъда. Суфрадал фу гъайи чѳавуз, за фу теневайди адаз чир тахъун патал, вуна лемпе туькѳуьр хъийидай амалар авуна, адан экв хкадара.

Папани итимди авур меслят кыле фена. Экв хкахъай вахтунда, вичихъ галаз суфрадихъ ацукънавай къвалин иесидин гъилер ва сив юзавайтлани, амма ада гъич са шейни тѳуьн тавунавайди мугъманди къатланач. Гъа и жуьреда мугъманди тух жедалди тѳуьн патал, вири хизан, гъа жергедай яз аяларни гишила амукъна.

НАСИГЪАТ

И агъвалатдин жигъетдай виридалайни Чѳехи Аллагъди аят рекъе туна (мана): "...Гъатта чпиз иъти-

якъвал аватлани, абуру чѳелай вилик масабур эңигзава..." ("аль-Гъашр" сура, 9-аят).

И къиса, чун хътин инсанриз, тарс хкуддай лап хъсан чешне я. Мугъман хъсан жуьреда къаршиламишун ва жуван эменин масабур патал къурбанд авун. Дугъриданни, Аллагъдин Расулда, салам ва хийир-дуъа хъурай адаз Аллагъдин патай, ва адан асгъабра тикрар техжер чешне ава.

Гъа идаз ухшар вакъиаяр гъаф асгъабрин кыилел атанвай. Килигин садра алай аямда масадан гъил къадай гъа ихътин инсанар жагъидатла?! Эхъ, Пайгъамбардин, салам ва хийир-дуъа хъурай адаз Аллагъдин патай, асгъабар гъахътин рикъ чѳехи инсанар тир. Гъавилай, ахътин инсанар мад и чилел хъжедач. Амма чна абурулай, гъич хъайитла, чешне къачун лазим я.

А. ЭМИРСУЛТАНОВ

"Газпром межрегионгаз Махачкала" призывает погасить долги за газ до наступления Нового года



В НОВЫЙ ГОД – БЕЗ ДОЛГОВ!



В преддверии новогодних праздников компания "Газпром межрегионгаз Махачкала" обращается к абонентам - должникам с требованием исполнения платежных обязательств. Потребителям, имеющим задолженность за потребленный газ, необходимо до конца календарного года погасить её.

"Газпром межрегионгаз Махачкала" напоминает, что при решении вопросов, не требующих присутствия, абоненты могут воспользоваться дистанционными

сервисами, такими как оплата за газ онлайн через интернет.

В любое время суток произвести оплату без комиссии банковской картой, своевременно передать показания счётчика газа можно с помощью "Личного кабинета абонента" на сайте компании www.mkalaming.ru, а также через мобильное приложение "Мой Газ".

Для потребителей газа также организована "Горячая линия" - 8-800-200-98-04 (звонок бесплатный).

Усугъчайдин СОШ-дин 9 "а" классдин аялри Шихова Зарема
Шихметовнадиз играми диде
ИНДИЯТ
рагъметдиз финихъ галаз алакъалу яз башсагълугъвал гузва.

Единая горячая линия:

8-800-2000-112

<https://стопкоронавирус.рф>

«ГОЛОС ЭРЕНЛАРА»

2001-йисан
ноябрдилай акъатзава

Тешкилайди:
Докъузпара райондин
администрация,
Дагъустан Республика

Учредитель:
Администрация Докъузпаринского
района, Республика Дагестан

Къилин редактор:
А.Э.ЭМИРСУЛТАНОВ

Жавабдар секретарь:
В.С.АГЪАМУРАДОВ

Хсуси корреспондент:
Ш.О.ШАГЪБАЛАЕВ

Корректор:
Ш.О.ШАГЪБАЛАЕВ

Верстка авурди:
КЪ.В.АГЪАМИРЗОЕВ

Газетдин индексар:
Зур йисан къимет - 278 м.
Йисан къимет - 556 м.

Чандиз вахкай вахт: 14:00
Чанзавай вахт - 17:00

Тираж 456

*Редакциядинни макъалайрин
авторрин фикирар сад тахъун
мумкин я. Макъалайрин делилрин
дуъзилдин патлахъай жасаб автор-
ри чни гуда. Макъалайриз рецен-
зия гузвач ва абур элкъвена вахъуз-
вач. Мадни, чпин макъалайра
дегитвилер тунал, къилер дегитна-
рунал рази тушир мухбиривай
чна абур редакциядиз ракъур
тавун тIалабзава.*

*Газета зарегистрирована
Управлением Федеральной служ-
бы по надзору в сфере связи,
информационных технологий и
массовых коммуникаций по Респу-
блике Дагестан*

**Регистрационный
номер ПИ №ТУ5 - 00256
от 14 июня 2013 г.**

**Редакциядин,
издательстводин ва
типографиядин адрес:**

368750, Докъузпара
район, Усугъчай хуър,
тел.+7 (8722) 55-14-61
e-mail:
golos-erenlara@mail.ru
Чи сайт: www.erenlar.ru